

নীলফামারীতে বিশ্বনবী সা:-কে কুটুক্তি, শিক্ষক ঈশ্বর চন্দ্র বরখাস্ত  
নীলফামারী সংবাদদাতা ১৮ জুন ২০২২, ১৭:০৬

নীলফামারীতে বিশ্বনবী হজরত মোহাম্মদ সাল্লাল্লাহু আলাইহি ওয়া সাল্লামকে কুটুক্তি করায় ঈশ্বর চন্দ্র নামের স্থানীয় এক শিক্ষককে বরখাস্ত করা হয়েছে।

শিক্ষার্থী ও এলাকাবাসী সূত্রে জানা গেছে, বুধবার স্কুলের ১০ম শ্রেণির কৃষি শিক্ষা পরীক্ষা চলছিল। এ সময় শিক্ষার্থীরা জোরে কথা বললে ওই বিদ্যালয়ের সমাজ বিজ্ঞান শিক্ষক ঈশ্বর চন্দ্র রায় তাদের বলেন, ‘তোমাদের শেষ নবী মোহাম্মদ ছিলেন শয়তান। তোমরাও তোমাদের নবীর মতো শয়তানী শুরু করেছো।’ এ কথার প্রতিবাদ করায় ওই ক্লাসের শিক্ষার্থী মোছা: সাবিকুননাহার ও সাকিল আহমেদকে রুমে ডেকে নিয়ে ভয়-ভীতি দেখান ওই শিক্ষক। পরে ঘটনাটি জানাজানি হলে ক্ষুব্ধ হয়ে ওঠেন এলাকাবাসী।

এরই ধারাবাহিকতায় শনিবার বিদ্যালয় চত্বরে বিক্ষোভ মিছিল ও মানববন্ধন করেন এলাকার মানুষজন। মানববন্ধন ও বিক্ষোভ চলাকালীন অভিযুক্ত শিক্ষককে সাময়িক বরখাস্ত করা হয়।